

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

VII. An, & qua ratione consuetudo vim legis obtineat.

urn:nbn:de:hbz:466:1-38979

solum tunc nulla sit ad illam servandam obligatio, sed ne quidem ejus observatio licita sit: e.g. lex, qua jubet ut deposita restituantur, iusta est; & tamen contingere potest aliquando, ut proditor, vel furiosus arma deposita reposcat, ille ad patriæ impugnationem, hic ad sui vel alterius necem; in quibus casibus manifestum est restitutionem depositi, quamuis lege præscriptam, nihilominus esse cōtrationem, ac proinde illicitam: quare necesse est tunc legem illam vel interpretari vel emendare, legislatoris potius mentem quam verba sequenda: hinc Cœlestinus Papa cap. *Humanae aures* 22. quæst. 5. Non debet, inquit, aliquis verba considerare, sed intentionem ac voluntatem; quae non debet intentio verbis deseruire, sed verba intentioni. Porro intentio & voluntas legislatoris, tum ex materia legis, tum ex ejusdem circumstantiis, tum præsertim ex illius fine & causa seu ratione ob quam lex ipsa lata est, intelligi poterit.

SECTIO VII.

An, & quara ratione consuetudo vim legis obtineat.

DICENDVM 1. consuetudinem aliquando vim legis obtinere posse. Ita S. Doctor I. 2. q. 97. a. 3. & patet ex usu communium Rerum publicarum, tum etiam ipsius Ecclesiæ: constat enim in variis regnis & provinciis, immo & in ipsa Ecclesia plurima recepta esse, & tanquam obligantia observari, qua tamen nulla lege positiva sed sola consuetudine introducta sunt, unde S. August. Epist. 86. ad Casulanum, *Mos*, inquit, *populi Dei, & iustituta maiorum pro lege sunt tenenda; & sicut prevaricatores legum diuinarum, ita & contemptores consuetudinum Ecclesiasticarum coerendi sunt.*

Dicendum 2. ad hoc ut consuetudo aliqua vim legis obtineat, quatuor præsertim conditiones requiri. Prima est, ut consuetudo illa sit rationabilis, & bono communione utilis,

R. utilis,

utilis. Ita cap. Erit autem lex, dist. 4. & per se patet: ut enim vim legis habeat præcipuas & magis necessarias legis qualitates habere debet; lex autē (ut suprā dictum est) debet esse rationabilis & bono communi utilis. Secunda est, ut tempore aliquo diurno duraverit, ut infrā explicabitur. Tertia, ut consensus saltem tacitus Legislatoris seu Principis interveniat: tunc autem tacite consentire censetur, si sciens talem populi morem, illum, cum posset, impedit noluerit. Ita S. Doctor suprā in resp. ad 3. Quarta denique, ut consuetudo illa servetur à populo, aut majore illius parte quasi ex obligacione, seu ex animo introducenda obligationis, ut observat Suar. lib. 7. de leg. c. 14. unde consuetudo illa, qua vim legis obtinere censetur, definitur ab Isidoro c. 3. *Ius quoddam moribus institutum, quod pro lege suscipitur, cum deficit lex.*

Ex quo intelligitur, quare plurimæ consuetudines rationabiles ac piæ, & jam à diurno tempore usitatæ superioribus non modò non contradicentibus, sed etiam approbantibus, vim tamen legis non obtineant; ut ad campanæ pulsum sanctissimam Virginem salutare; in Ecclesiæ ingressu aqua lustrali frontem aspergere, &c. quia scilicet hæ & alia similes consuetudines ex liberali tantummodo affectu & devotione, non verò ex ulla inducenda obligationis voluntate inchoatae sunt, ac continuantur.

Cæterum restè monet Suar. lib. 7. de leg. cap. 5. in dubio, an obligatio per consuetudinem aliquam inducta sit, cæteris paribus inclinandum potius esse in eam partem, quod consuetudo sit devotionis quam quod sit obligacionis: quia juxta regulam communem Doctorum, in dubio nemo presumitur velle obligari; neque expedit multiplicari precepta, ubi moraliter certa non sunt.

Dicendum 3. consuetudinem non modò constituenda legis, sed etiam abrogandæ vim habere, ut docet S. Thom. suprā a. 3. quod probari potest ex cap. ultimo de consuetudine, in quo Gregorius IX. declarat posse consuetudinem aliquam *Iuri positivo (humano scilicet) praividicium generare, si rationabile fuerit & legitimè prescripta; ex quibus verbis colliguntur.*

colligitur duo requiri, ut consuetudo legem aliquam abroget. primò ut sit rationabilis, quod per se patet; secundo ut sit legitimè præscripta; id est ut tanto tempore duraverit, quanto ad legitimam præscriptionem adversus ipsam legem opus est.

Quare, quanto tempore opus sit ad præscriptionem illam complendam adversus legem. Communior & magis recepta Theologorum responsio est, ordinariè requirit decennium ad præscribendum contra legem civilem; quadraginta vero annos adversus Ecclesiasticam. Ita Sylv. Azor, & alii apud Laym. tract. 4. de leg. c. 24. Ratio est, quia ad præscribendum adversus legem requiritur tempus longum; tale autem in jure civili censetur esse decennium, ut constat ex L. *Super longi* C. de præscriptione longi temporis; in jure autem Ecclesiastico ordinarium præscriptionis tempus censetur esse quadraginta annorum, ut constat ex cap. *De quarta*, & cap. *Ad aures*, de præscrip. Tutissimum autem in praxi est nihil temere super hac re definire, sed Doctorum & Sapientum virorum consilium perquirere, aut etiam Superiorum, seu Legislatorum mentem ac voluntatem explorare.

SECTIO VIII.

De lege divina positiva.

NOMINE legis divinæ positivæ intelligimus eam, quæ Deo authore condita, & litteris consignata, hominibus ad observandum imposita est. Ea autem duplex est; vetus, quæ per Moylen Dei nomine lata & promulgata est; & nova, quæ à Christo Domino condita in Evangeliis aliisque novi testamenti libris consignata est: & circa utramque.

Dicendum 1. legem veterem fuisse in se bonam & sanctam, licet lex nova longè sit illa melior, & perfectior.

Quod fuerit bona & sancta, constat tum ex his Apostoli verbis Rom. 7. ubi de lege veteri loquens, *Lex, inquit, sancta, & mandatum sanctum, & iustum, & bonum: tum*

R. 2

on